

KUFFAR

شو قصة الكفر والكفار؟ كلمة راجت لمدة ١٧٠٠ سنة، وخف استعمالها بالقرن العشرين تحت سلطة الدكتاتوريات العربية، ورجعنا نسمعها من بداية القرن الحالي؟

بالقرن الثاني بعد المسيح، صار في اصلاح حاخامي عند اليهود، انتج مشناه (الكلمة "شنه" ممكن تكون اصل "شرح") وتلمود (من تلمذ / تلميذ) ومدراش (من درس اي درس)، وهول كتابات اضيفت للعهد القديم، عبارة عن شروحات وقوانين وتحاليل، فاجوا النصارى، يلي هني جماعة كانت يهودية وتفرعت ع اساس تقبلها امور مسيحية معينة فصارت بالنص بين اليهود والمسيحيين، واتهموا اليهود بانن كفار.

يعني بآمنوا بامور مش مطبوعة بالنسبة لمطلق التهمة.

انو ايه ولأ! ايه، هيدا المعنى صح، بس هيدا المعنى اجا من وقتها! بس هاي استعارة! Metaphore.

اذا بالضيع في حدا بقلكن كفرني، روحوا جيبوا حرام وغطوه. لأن كَفَرَ يعني غطى، مَحَى، أطاح، أباد: كلمة كنعانية، بعدنا لليوم منستعملها كمرادف ل"غطى" رغم قرب اندثارها،

استقتتها اللغة العبرانية وقت تفرعت عن الكنعانية، واستقتتها اللغة العربية وقت تفرعت عن الكنعانية كمان. راجعوا المعاجم العربية.

وبتلاحظوا، مثل كتير كلمات كنعانية فانت عال يونانية واللاتينية والحجرمانية، التشابه مع " / cubrir / cooperire / cover / couvrir" بالفرنساوي والانكليزي واللاتيني والاسبانية عبر consonantal shift،

$F \rightarrow p \rightarrow v \rightarrow b$ (or $v \rightarrow b$).

الجزر هو نفسه، والاصل كنعاني لأن الكنعانية اقدم ب٣٠٠٠ سنة واللغة راحت من كنعان للغرب.

نترجع للتاريخ، فالنصارى اتهموا اليهود بالكفر لانن غطّوا "كلام الله" بكلام بشري.

اجا الاسلام ومنعرف علاقته بالنصارى واليهود والمشركين (يعني المسيحيين)، واخذ عبارة الكفر وراجت!

بعض الاصدقاء المسلمين عمبروجوا اليوم ع اثر الفيديو يلي من طرابلس انو اي شو فيها، كلنا كافرين بالنسبة لبعض من حيث اللغة، صح. وهيدا شي ما بيزعني. شي طبيعي.

لغويًا، المسيحي كافر للمسلم وبالعكس، السنة بالنسبة للشيعة وبالعكس، والسنة الشافعي بالنسبة للحنبلي وبالعكس، والكاتوليكي بالنسبة للاورثوذكسي وبالعكس،

ولكن، وباستخدام المسلمين فقط هيدا العبارة، أرجو استبدالها ب"غير المسلمين" او "غير السنة" او "غير الشيعة" (حسب الموضوع) لأن تعبير الكفار مش بطياته انما علنا، بيحمل معو عقاب ثقيل للكفار ... حتى اصلاح ديني معين ... اذا حصل.

ملاحظة لغوية اخيرة: كُفّر، بتسمين الكاف: يعني قرية، او خراج قرية، او مزارع، كلمة كمان كنعانية ضمن اسماء بلدات كنعانية بعدها لليوم، كفر رمان كفر حلدا كفر ذبيان كفر نبرخ ... في رسميًا ٧٠ ضيعة بلبنان مع هالعبارة. فيكن تراجعوا البوست هون: <https://www.facebook.com/share/1D9pdACQYZ/?mibextid=wwXIfr>.